



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fulvii Androtii Societ: Iesv Theologi Opuscula spiritualia

Androzzi, Fulvio

Coloniae, 1611

Quàm magnum sit donum S. Eucharistiæ.

[urn:nbn:de:hbz:466:1-48641](https://nbn-resolving.org/urn:nbn:de:hbz:466:1-48641)

62. DE FREQUENT.
cendisset in cœlum. Hoc planè certum
est argumentum magni amoris.

QVAM MAGNUM SIT HVIVS
Sacramenti donum.

Non potuit nobis D. N. maioris
honoris, utilitatis, aut iucundita-
tis opus in terris relinquere, quàm reli-
querit hoc Sacramento. Hic habemus,
ad quem refugimus in omnibus rebus
aduersis, cui loquamur, cum opus est,
facie ad faciem. O felicem Christiano-
rum gentem qui quotidie possunt coram
Domino suo astare, & quoties volunt,
cum illo sermones conferre! Hoc autè
cum sit tam grande donum, minus ali-
quanto videretur, si datum fuisset bene-
merentibus, aut gratis: aut ijs sanè, qui
eo pro dignitate vterentur. Iam verò cū
datur multis, qui illud non agnoscunt,
tam parum grati sunt, tam malè ad suos
usus adhibent, amoris indicium est, &
misericordiæ singularis. O rem verè ad-
mirabilem! Si tota natura & gloria Dei
penderet ab homine, ut hominis pen-
deret à Deo, quid potuisset amplius facere
Deus ad deuinciendum sibi amore ho-
minem? Certè magna & stupenda res
est, cum omnis nostra salus, omnis glo-
ria

COMMUNIONE. 63.

ria, omne bonum nostrum in Deo sit, nos tamen à Deo fugere: contra Deum tantopere coniunctionem nostram expectere, cum ad nullam nobis indigeat.

MODVS QVO CHRISTVS apud nos manet.

AMORIS Christi magnitudinem ostendit & modus, quo manet nobiscum. Nam si specie sua mansisset, mansisset vt à nobis in ueneratione & honore haberetur: nunc cum specie panis manet, manet vt eum manducemus & veneremur: vt altero fides, altero conceatur charitas. Vocatur Panis vitæ: quia est vita ipsa specie panis. Itaque qui dignè sumit hunc panem, eodem momento accipit vitam: quando manducat ipsam vitam. Quod si horres cibum hunc, eò quod viuus sit, accede saltè eò, quod panis Angelorum sit. Si parui facis, quod panis sit, magni fac, quod viuus sit.

DE PRAEPARATIONE.

Quoniam verò hoc Sacramentum infinite virtutis est: vt quod Christum contineat fontem gratiæ, & nobiscum communicet virtutem omnè passionis Christi, cuius est pretium infinitum.

64 DE FREQUENT.

tum: fit ut quo quisque se ad id accipiendum diligentius comparat, tanto aptior sit ad percipiendos Sacramenti fructus. Itaque diligentissime laborandum est, ut digne parati ad illud accedamus.

DE TRIBVS PECCATIS,
quæ huic Sacramento aduersantur.

Superbia, odium, & turpitude, S. Eucharistiæ aduersantur. Hic enim accipitur is, qui se tam infinite depressit, qui pro inimicis in cruce precatus est, qui è castissima Virgine purissimam assumpsit carnem. Ergo cum alijs, tum his maxime peccatis vacare eum oportet, qui cœleste epulum aditurus est.

DE PECCATIS VE-
niatibus.

Peccata venialia incredibile impedimentum afferunt ad degustandam suauitatem & dulcedinem huius Sacramenti, maxime ea, quæ scienter, committuntur. Nam sicut encaustum non potest herere in are, sed in auro tantum, sic hoc encaustum tam nobile non sinit Deus imprimi, nisi in animam ab omni peccato immunem,

DE